



Kunjungan ini dilakukan dengan tujuan silaturahmi bagi menjalin hubungan mesra bersama-sama penggiat sastera dan bahasa di Malaysia dan sekali gus mempertahankan kesamaan budaya serumpun yang kita miliki”

**Dr Edi Suyanto,**  
Ketua Jabatan Pendidikan  
Bahasa dan Sastera Indonesia,  
Universiti Lampung

# Kunjungan Universiti Lampung erat hubungan penggiat sastera

**Kuala Lumpur:** Hasrat memajukan hubungan dalam bentuk kesusasteraan membawa 30 warga Fakulti Perguruan dan Ilmu Pendidikan Universiti Lampung, Sumatera mengunjungi Rumah Pena, baru-baru ini.

Ketua Jabatan Pendidikan Bahasa dan Sastera Indonesia, Universiti Lampung, Dr Edi Suyanto, berkata kunjungan kali pertama pelajar sarjana ke negara ini diharapkan dapat mendedahkan mereka kepada keserumpunan Malaysia dan Indonesia, terutama memabatkan aspek kesusasteraan.

“Kunjungan ini dilakukan dengan tujuan silaturahmi bagi menjalin hubungan mesra bersama-sama penggiat sastera dan bahasa di Malaysia dan sekali gus mempertahankan kesamaan budaya serumpun yang kita miliki.

## **Banyak persamaan**

“Malaysia dan Indonesia, berkongsi banyak hal termasuk membabitkan ‘juadah’ kesusasteraan yang tidak jauh bezanya. Malah, sasterawan dari negara ini juga bukanlah asing buat kami

misalnya, Usman Awang yang kami kenal dan nikmati karyanya.

“Kami berharap kunjungan pertama ke Rumah Pena ini akan membolehkan lebih banyak lagi jalinan kerjasama dalam bidang sastera dan bahasa dijalin antara Malaysia dengan Universiti Lampung,” katanya ketika ditemui selepas majlis ramah mesra di Dewan Usman Awang, Rumah PENA, Kuala Lumpur.

Rombongan itu diraikan dan disambut penyair dan penulis tanah air yang diketuai Presiden Persatuan Penulis Nasional Malay-

sia (PENA), Dr Mohamad Saleeh Rahamad.

Selain Rumah Pena, kunjungan lima hari itu turut membawa pelajar sarjana dari Fakulti Perguruan dan Ilmu Pendidikan Universiti Lampung, Sumatera ke Universiti Putra Malaysia (UPM), sebelum mereka bergerak ke Singapura.

“Di UPM, kami turut melakukan perkongsian dalam bidang keilmuan, terutamanya berkait agenda mengembangkan bahasa, linguistik, kebudayaan dan komunikasi,” katanya.